



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

Երևան, Ս. Դավթի 87Ա

«28» Սեպտեմբեր 2018թ.

ՈՐՈՇՈՒՄ N 3458/02-Շ

ՉԿԱՏԱՐՎԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով «ԱՐՄ ԲԻՐԻՆԳՍ» ՍՊԸ-ի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների «ԱՐՄ ԲԻՐԻՆԳՍ» ՍՊԸ-ի (ՀՎՀՀ՝ 00471344, հասցե՝ ք. Երևան, Արին Բերդի փ, 6/7, պետական գրանցման համար՝ 278.110.936241) չկատարված հարկային պարտավորությունը 27.08.2018 թվականի դրությամբ կազմել է 13.999.088 դրամ, որից ապառք՝ 11.190.805 դրամ, տույժ՝ 2.808.283 դրամ:

Վերոնշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ «ԱՐՄ ԲԻՐԻՆԳՍ» ՍՊԸ-ի չկատարված հարկային պարտավորությունները գանձելու վերաբերյալ վարչական ակտ ընդունելու նպատակով, որի մասին հարկ վճարողը 29.08.2018 թվականին ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, սակայն չի ներկայացել վարույթին մասնակցելու համար և նշվածի վերաբերյալ որևէ առարկություն, բացատրություն չի հայտնել:

ՀՀ ՊԵԿ իրավաբանական վարչության պետի կողմից 27.04.2018թ. կայացվել է թիվ 829/02-Ա որոշումը, որի մեջ ներառված է ԱԱՀ-ի գծով 10.624.386 դրամը (ապառք՝ 9.046.000 դրամ, տույժ՝ 1.578.386 դրամ), եկամտային հարկի գծով 26.029 դրամը (ապառք՝ 21.217 դրամ, տույժ՝ 4.812 դրամ) սոցիալական վճարի (ամսական) գծով 4.932 դրամը (ապառք՝ 4.278 դրամ, տույժ՝ 654 դրամ):

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 3.343.741 դրամ, որից

ԱԱՀ-ի գծով՝ 1.024.459 դրամ (տույժ), որն առաջացել է ՀՀ հարկային օրենսգրքի 401-րդ հոդվածի համաձայն հաշվարկված տույժերից,

շահութահարկի գծով՝ 2.316.405 դրամ, որից ապառք՝ 2.119.310 դրամ, տույժ՝ 197.095 դրամ, որն առաջացել է 2017թ. տարեկան հաշվարկից և ՀՀ հարկային օրենսգրքի 401-րդ հոդվածի համաձայն հաշվարկված տույժերից,

եկամտային հարկի գծով՝ 2.403 դրամ (տույժ), որն առաջացել է ՀՀ հարկային օրենսգրքի 401-րդ հոդվածի համաձայն հաշվարկված տույժերից,

սոցիալական վճարի (ամսական) գծով՝ 474 դրամ (տույժ), որն առաջացել է «Կուտակային կենսաթոշակների մասին» ՀՀ օրենքի 71-րդ հոդվածի համաձայն հաշվարկված տույժերից:

Գանձման ենթակա չկատարված պարտավորության նկատմամբ ՀՀ հարկային օրենսգրքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողների կողմից՝ Օրենսգրքով սահմանված կարգով, չափերով և ժամկետներում: Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:** Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ Հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության

մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

ՈՐՈՇԵՑԻ

1. «ԱՐՄ ԲԻՐԻՆԳՍ» ՍՊԸ-ից գանձել 3.343.741 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՈԾՑ



Ա. ՄԱՅԱԿԱՆՅԱՆ

Ստացա որոշման օրինակը

ստորագրություն

հարկ վճարողի /կամ ֆիզ. Անձի/ պաշտ անձի անուն ազգանուն

ամսաթի

Կատ.' ԻՎ ՀԳ բաժնի գլխավոր մասնագետ,
Ս. Պետրոսյան, Հեռ. 011549191(9155)